

滇
繫

滇繫書目

趙州師 範荔屏纂輯

藝文第二冊

蕭彥 巡撫江南涇縣人

陳末議以備采擇疏

李本固 巡按河南固始人

安插思化疏

周嘉謨 巡撫湖廣景陵人

清理莊田疏

張紘

左布政陝西富平人

建布政司公解記

陳文

右布政江西廬陵人

南壩閘記

商輅

大學士浙江淳安人

重修按察司署記

楊廷和

大學士四川新都人

新設永昌府治記

毛鳳韶

巡按湖廣麻城人

三節祠記

楊

慎

修撰謫戍延和子

碧嶢精舍記

定遠縣儒學

連然新井記

馮時可

提學江南吳縣人

傅公祠記

李夢陽

副使河南祥符人

石淙精舍記

崔

銑

尚書河南安陽人

石淙對

李東陽 大學士湖廣茶陵人

石淙賦

陸深 尚書江南上海人

月塢記

黃琮 左參政廣東海陽人

修建五華書院記

楊慎

游點蒼山記

張佳允 提學四川銅梁人

游安甯溫泉記

羅元正 按察使江西人

橫山水洞記

王士性 副使浙江臨海人

泛舟昆明池歷太華諸峯記

鄒應龍 巡撫陝西長安人

通靈洞記

楊師孔 僉事江西廬陵人

溫泉游記

張佳亢

臨安三洞記

王奎

參議謫戍浙江松陽人

雲龍山記

解一經

知府江西人

游阿盧仙洞記

郎瑛

布衣浙江仁和人

顏洞小記

黃衷

巡撫廣東南海人

南明洞天記

錢邦芭

副都御史江南華亭人

華嚴洞記

石洞上潭記

石洞下潭記

尹

伸 敘州人明副使

游文殊巖記

張佳允

銅梁人明提學

游太華山記

滇繫

藝文繫

趙州師 範荔扉纂輯

蕭彥敷陳末議以備採擇疏

臣聞安民莫如省事而事有所必不可省爲治不在多言而言有所必不可已滇西南一都會也先後諸臣之所經略與邇者邇西事宜按臣之所條陳犁然具矣惟是一二末議有不得不
上請者謹開列以聞其一議礦場以便責成雲南礦課取天地
自然之利以供經常之用近自迤西多事題留兵餉抑又重矣
乃厯年逋負過半而大理爲甚完者十一負者十九其負者又

不皆遺之民也有司之公用有之委官之分利有之硃頭之利而爲已私者有之上不在官下不在民其弊至此極矣查得該省礦場在臨安澂江元江新化則屬臨元守道在鶴慶大理永昌則屬金滄守道在楚雄則屬洱海守道每年各分守官共駐會城故以鑛場專責臨元一道而其相去遠者二千里近亦七八百里一人之身勢不能徧歷將托之委官而委官類多末流將責之郡縣而郡縣又皆異屬礦硃之盛衰匿不以聞錢糧之完欠漫不加念文移往來束之高閣促督嚴急加以諛語各分守道又往往以侵官爲嫌遠利爲幸若秦越人之視肥瘠然者

則公家何賴焉近該臨元道詳議極陳不便之狀臣惟政由俗
革事以時異彼一時也分守駐會城則以屬臨元爲便此一
時也分守駐各道則以分屬守道爲便蓋總屬則勢有所不周
令有所不行而碍民之利病遂不及聞礦脈之盛衰遂不及知
或增減失宜則苦于輸納之難豈獨病于官且病于民試舉而
更之豈獨便于官且便于民相去甚懸而或以爲礦場道令有
專勅則各道亦領一勅乎臣以爲專屬則一人轄一省不可無
勅分屬則以各道轄各地不必有勅夫錢糧非守道分內事耶
礦場專勅卽照例繳進可也其二議兵備以便調度雲南設在

極邊四面皆夷而錯居其中者華夷半之無事彈壓有事策應
蓋皆兵備道之責也曲靖臨安瀾滄金騰四道者分布四陲至
密至當無容議矣獨瀾滄駐在洱海管轄視他道獨廣而武定
軍民府寓焉武定去瀾滄千餘里而遙往返動以月計而該府
係初定之區仍夸民之舊較之他郡大有逕庭其官司關白則
不便其官軍調度則不便其夸情傳報則不便在平時且然而
一有緩急后時失事又所不免語有之雖鞭之長不及馬腹則
武定之謂也至于雲南府于四兵備獨無所屬臣等誠不知其
由雲南係省衛而內之則六衛星列外之則夷蠻錯布往者尋

甸武定之役烽火達于近郊省城且震動已無論往事卽如居
恒武弁之哨守城垣之修葺泛焉屬之泛焉應之而各官軍亦
且泛焉視其上若干我無所統而有專統者至操練器械則操
捕都司外悉置之不問矣語有之千人舉瓢不如一人挈之而
走則雲南之謂也查得武定去雲南不百里而近莫若併將武
定雲南二府軍務屬分巡安普道管理卽改曰兵巡道如浙之
溫台之例庶武定近而易達雲南專而有成有改制之實無增
官之費似亦計之得者或者以分巡不得兼兵備武定併屬曲
靖爲便夫曲靖較瀾滄則稍近然何若安普近也而雲南又安

所屬故不如併責之分巡安普道便其三議除補以安疲民間
之書曰三載考績三考黜陟幽明分北三苗夫計吏也而格苗
因之則吏之所係重哉滇南土地遼濶禁網不及周故簡飭之
難夸糴錯居易動難馴故綏懷之難土流並列急則憤寬則肆
故彈壓之難也一省之中瘠者半沃者半瘠則易厭沃則易淫
故堅貞之難其寄命于縣令托生于刺史較之中土尤甚故滇
夙號遠方爲士人所不樂居其餘補茲方者非以遷謫則以劣
考則又以他途蓋十而七矣建議者亦嘗及之該部亦旣題覆
而除補之期或當乏人之會勢不得不遷就故遠民之望若黍

苗仰膏雨而卒無以慰也茲者大計屆期其掛吏議者當不少而大比屆期科甲之英其特用者當亦不少請乞勅下吏部今次滇南郡縣之缺酌量緩急分別煩簡以十分爲率甲補其四貢如之年壯者補其二彼其出身科甲有遠大之望自能展布四體而遐方之民亦且聳然新其觀聽而安其約束莫敢有玩愒者其效立致也夫科甲之流甯無以不肖終者乎然十之二三耳以遷謫以他途又甯無以賢能終者乎然十之二三耳夫天下未有不能于彼而能于此亦未有不潔于彼而潔于此者臣以爲大計有疵之吏果當議處或降用或降閒令散處于宇

內之僻地如蓬麻然而毋徒以遠方之民待末路之輩也朝廷
不以遠方弃滇南各守令自不以遠方視滇南滇人之幸矣其
四議將領以資策應雲南幅員如曲靖尋甸臨安澂江廣西廣
南潯益羅平皆東南境也壤地錯列如犬牙之相制緩急互濟如
輔車之相依而潯平守備與臨元參將若鼎足焉不相上下若
賓主焉不相維繫潯平之利害參將曰非吾屬也臨安之利害
守備曰非吾事也無事相抗有事相推非獨盭戾且將衡決矣
近該按臣條議通省設二將四守備而姚關受令騰衝騰衝兼
制順蒙迤西之勢如指臂然夫臨安之參將可以騰衝例潯平

之守備可以順家例以參將之權可以統轄守備以參將之名
可以震讐夷人莫若照迤西事例霑平守備併聽臨安參將節
制如霑平有警則參將速爲應援如臨安有警則守備立聽調
發有逗留觀望及故違節制者照例參處而居恒止于行文約
束一如臣等順蒙之議庶兩將之名正而氣脉通兩將之兵合
而聲勢壯聳于迤東不無小補矣其五議襲替以慰夸心國家
以夷治夷不盡統以漢官授之冠帶列之等級然又嚴承襲之
規示大一統之義所以制之甚詳而奉行漸久阻抑多方夸心
苦之于是一議而寬其赴京之例再議而蠲其冠帶之銀所以